



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Roberto Abbati S. Germ. Parisien. ejúsque fratribus, tam praesentibus,
quàm futuris, regularem vitam professis, in perpetuum.

urn:nbn:de:hbz:466:1-20006

litiam temporis in his esse rigidiores oportet. Inde siquidem est quod cùm Ecclesia sancti Germani de pratis Parisiensis, quæ Romanae sedis filia devota & specialis existit, privilegiorum, indulgentiarum, confirmationum, & libertatum plura obtinuerit à Romanis Pontificibus instrumenta, quibus Prælati Ecclesiarum & quamplures alij minimè deferentes, ea infringere ipsisque temerè obviare non dubitant, siveque libertatibus sibi concessis uti plenè non valeat, & in pluribus sustineat detrimentum, te conservatorem eorum quæ ad ipsius Ecclesiæ tranquillitatem à sede apostolica sunt indulta specialiter duimus concedendum. Quocirca fraternitati tua per apostolica scripta mandamus, quatenus si quos indulgentiis, confirmationibus, privilegiis, seu quibuslibet aliis instrumentis apostolicae sedis, seu aliis immunitatibus à quibuscunque monasterio sancti Germani de pratis prævia ratione concessis, per quæ libertas debet ecclesiastica integra conservari, temerè invenieris obviantes eos per censuram ecclesiasticam, monitione præmissa, sublato cujuslibet contradictionis & appellationis obstaculo, quemadmodum videris expedire, à sua temeritate compescere non moreris, ipsiusque jura monasterij sancti Germani studeas illibata servare. Nullis literis &c. harum mentione non habita &c. Datum &c. ut suprà V. Idus Maij.

*ROBERTO ABBATI S. GERM.
Parisien. ejusque fratribus, tam præsentibus, quam futuris, regularem vitam profecti, in perpetuum.*

*Epiſt. 175.
Quod eos recipiat sub protectione apostolica, veteraque privilegia, non paucis additis, consumet.*

IN eminenti apostolicae sedis specula ad hoc sumus licet immeriti disponente Domino constituti, ut justas petitiones debeamus libenter admittere, & eis studeamus effectum utilem indulgere. Eapropter, dilecti in Domino filij, vestris justis postulationibus annuentes, monasterium beati Germani de pratis, in quo divino mancipati estis obsequio, quod propriè beati Petri juris existit, ad exemplar felicis memorie Paschalis, Innocentij, Lucij, Eugenij, Anastasij, Alexandri, Lucij, Urbani, Clementis, & Celestini, prædecessorum nostrorum Romanorum Pontificum, sub beati Petri & nostra protectione suscipimus, & presentis scripti pagina communimus.

in primis siquidem statuentes ut ordo monasticus, qui secundum Deum & beatitudinem regulam in eodem monasterio noscitur institutus &c. usque ad verbum illud observetur. Præterea quascunque possessiones &c. usque ad illud illibata permaneant. Per præsentis itaque privilegij paginam vobis vestrisque successoribus in perpetuum confirmamus ut quæcunque libertas, quæcunque dignitas, privilegio beati Germani, scriptis Childeberti, Clotharij, atque aliorum Regum Francorum vestro monasterio collata est, eidem permaneat illibata. Ad hæc, volentes te, dilecte fili Roberte Abbas, & monasterium tuum honoris & gratiæ privilegio decorare, ad instar dictorum prædecessorum nostrorum Alexandri & Celestini usum mitræ, & annuli, atque sandaliorum tibi & per te successoribus tuis de consueta sedis apostolicae benignitate duximus indulgendum. Præcipimus autem ut christma, oleum sanctum, consecrationes altarium, ordinationes, & quæcunque vobis ex pontificali sunt ministerio necessaria, à nullo catholico Episcopo vobis vestrisque successoribus denegentur. Sanè Missas, ordinationes, stationes, ab omni Episcopo vel clero Parisien. Ecclesia in eodem monasterio præter voluntatem Abbatis vel congregationis fieri prohibemus; nec habeant potestatem aliquid ibi imperandi, sed nec divina officia ipsis interdicere, nec excommunicare, nec ad synodus vocare, aut Abbatem aut monachos, Presbyteros, aut Clericos Ecclesiarum ipsius loci, tribuimus facultatem. Adicimus etiam ut in parochialibus Ecclesiis, quas extra Burgum beati Germani teneris, Presbyteri per vos eligantur, & Episcopo præsententur; quibus si idonei fuerint, Episcopus animarum curam committat, ut ei de plebis cura, de rebus vero temporalibus ad monasterium pertinentibus, vobis respondeant. quod si facere forte noluerint, subtrahendi eis temporalia, quæ à vobis tenent, liberam habeatis auctoritatem apostolica facultatem. Auctoritate etiam apostolica statuimus, & vobis de consueta clementia & benignitate sedis apostolica indulgemus, ut nullius legationi, nisi à latere Romani Pontificis specialiter fuerit delegatus, subjacere vel subesse amodo debeatis; nec alicui liceat obtentu legationis ab apostolica sibi sede

*Vide cas. W.
Cœli Clari.
in Additione ad
lib. 6. De Con-
cordia Sacra-
& Imp. cap. 31.*

indultæ vos vel successores vestros, seu monasterium vestrum, vel Ecclesiæ quæ infra Burgum beati Germani sunt, ulla interdicti vel excommunicationis sententia prægravare, vel super vos aut super dictas Ecclesiæ jurisdictionem aliquam exercere, nisi specialiter hoc fuerit à Romano Pontifice illi mandatum. Præterea compositionem quæ inter monasterium vestrum & bonæ memorie Guidonem quondam Senonen. Archiepiscopum super procurationibus quas à vobis in quibusdam villis petebat, rationabiliter intercessit, sicut provide ac sine pravitate facta est, & recepta, & hancen observata, atque in instrumento exinde confecto plenariè continetur, ratam habentes, auctoritate apostolica duximus confirmandam. Ad majorem autem evidentiam compositionis ipsius rescriptum illud de verbo ad verbum huic privilegio duximus inferendum: cuius tenor talis est: IN NOMINE sanctæ & individuae trinitatis. Guido Dei gratia Senonen. Archiepiscopus omnibus ad quos præsentes literæ pervenerint, in Domino salutem. Notum fieri volumus universis præsentibus pariter & futuris quod discordia quæ erat inter nos & Fulconem Abbatem sancti Germani de Pratis & ipsam Ecclesiæ, de procurationibus quas ab eis petebamus in Emat, & Balneolo, & sancto Germano juxta Musteriolum, in præsentia Domini Philippi Francorum Regis ita terminata est. In hoc siquidem quitavimus Fulconi Abbatæ & Ecclesiæ sancti Germani in perpetuum procurations quas in prædictis locis petebamus ab eis, tali modo quod Abbas & successores sui nobis & successoribus nostris vel nostris certis nunciis pro procurationibus illis reddent singulis annis octo libras Parisien. apud Emant in octavis Paschæ. Et si nos vel successores nostri venerimus semel in anno ad Emant, vel Balneolum, vel ad villam quæ dicitur sanctus Germanus, Abbas & successores sui, aut ille qui domum tenebit, recipient nos & successores nostros, & vivemus ibi nos & successores nostri nocte una sumptibus nostris propriis: infra quod ille qui domum tenebit, non tenebitur aliquid dare nobis vel successoribus nostris, præter hospitalium, nisi hoc de gratia facere voluerit. Et si nos vel successores nostri semel recepti fuerimus in uno prædictorum lo-

corum, non tenebuntur monachi recipere nos sive successores nostros in aliquo illorum trium eodem anno. Nos autem fecimus quitari jamdiæ Ecclesiæ & Abbati medietatem decima lanæ à Presbyteris qui sunt in Ecclesiæ sancti Germani per archiepiscopatum Senonen. constitutis, scilicet Emant, Balneolo, villa quæ dicitur sanctus Germanus juxta Musteriolum, Matriolis, & Presbyteri dictarum Ecclesiæ aliam medietatem ejusdem decimæ habebunt. Nunc autem Abbatis sancti Germani facient fidelitatem Presbyteris qui in dictis Ecclesiæ erunt, & Presbyteri per nuncios suos nunciis Abbatis, de dicta decima communiter & fideliter quærenda & inter se dividenda. Quod ne valeat alicujus oblivione deleri, vel malitiosè perverti, sigillo nostro fecimus id confirmati; astantibus Ecclesiæ nostræ Personis, Salomone Decano, Manasse Archidiacono, Wilielmo Thesaurario, Gaufrido Præcentore. Testes hujus rei sunt Stephanus Abbas sanctæ Genovefæ, & Canonici illius Hugo, Almaricus, Milo, Abbas sancti Remigij Senonensis, Magister Ansellus de Cancellaria, Ogerius de Avons. Actum apud Fontem Blaudi anno ab incarnatione Domini M C XCI. Deinde prohibemus ut monasterij vestri monachos, ubicunque de mandato Abbatis habitaverint, nullus præter Rom. Pontificem vel Legatum ab ejus latere missum absque speciali mandato apostol. sedis, vel præter Abbatem, ad quem cura & custodia eorum pertinet, excommunicet, aut interdicat. Obeunte vero &c. usque ad verbum illud eligendum. Electus autem vel à Romano Pontifice vel à quo maluerit catholico Episcopo munus benedictionis accipiat. Sanè novatum &c. Apostolica insuper auctoritate vobis duximus indulgendum, ut infra parochias Ecclesiæ ad jamdiæ monasterium pertinentium nullus oratorium, capellam, vel Ecclesiæ ædifica. re, aut cœmeterium facere, sine diocesanis Episcopi & vestro consensu audeat; nisi forte Templarij vel Hospitalarij fuerint, quibus hoc apostolicæ sedis privilegiis indultum fuisse noscitur. Paci quoque & tranquillitatì vestra pontificali volentes provisione prospicere, præsenti privilegio duximus statuendum, ut si quis terras ad vos de jure spectantes, in quibus portionem habetis vel campos, donatio-

96 Epistolarum Innocentij III.

ne, aut venditione, seu quolibet alio alienationis titulo in aliam Ecclesiam vel religiosa loca transtulerit, Ecclesiis illis vel locis religiosis ultra annum & diem eas sine assensu vestro non liceat retinere; sed juxta consuetudinem Gallicanarum Ecclesiarum talibus personis precio seu dono concedant, quæ vobis & monasterio vestro jura vestra cum integritate persolvant. Decernimus ergo &c. salva sedis apostolicae auctoritate. Si qua igitur &c. Datum Romæ apud sanctum Petrum per manum Rainaldi Domini Papæ Notarij, Cancellarij vicem agentis, II. Idus Maij, Indictione prima, incarnationis Dominicæ Anno M C XC VIII. Pontificatus verò Domini Innocentij Papæ III. anno primo.

*H V G O N I A B B A T I
sancti Dionysij, ejusque fratribus tam
presentibus, quam futuris, regularem
vitam professis in perpetuum.*

*Epist. 174.
Quod corum
jura privilegia
que confirmare.*

Eflectum iusta postulantibus indulgere & vigor æquitatis & ordo postulat rationis; præsertim quando peccatum voluntates & pietas adjuvatur, & veritas non relinquit. Eapropter, dilecti in Domino filij, vestris justis postulacionibus clementer annuimus, & præfatum monasterium sancti Dionysij, quod specialiter beati Petri juris existit, in quo divino estis obsequio mancipati, ad exemplar felicis recordationis Zachariae, Stephani, Leonis, Alexandri, Paschalisi, Calixti, Innocentij, Eugenij, & Lucij, Romanorum Pontificum prædecessorum nostrorum, sub beati Petri & nostra protectione suscipimus, & præsentis scripti pagina communimus. In primis siquidem statuentes ut ordo monasticus, qui secundum Deum & beati Benedicti regulam &c. usque ad verbum observetur. Præterea quascunque possessiones, quæcunque bona &c. usque ad verbum permaneant. In quibus hæc propriis duximus exprimenda vocabulis. Locum ipsum in quo præfatum monasterium situm est, cum omnibus pertinentiis suis, donationem præbendarum in Ecclesia sancti Pauli. In episcopatu Parisien. Ecclesiam sancti Leodegarij, Ecclesiam sancti Martini in strata, cellam beatæ Mariæ prope Corbolum, super fluvium Essoñæ sitam, cum appendiciis suis, Eccle. de Trembleiaco, monasterium beatæ Mariæ de Argentolio, quod situm est

super fluvium Sequanam, cum pertinentiis suis. In archiepiscopatu Rothomagen. Ecclesiam S. Petri de Calvomonte cum tribus capellis sibi adjacentibus, scilicet S. Mariae, sancti Iohannis, & capella de Calloël. Ecclesias de Cergia-co, quæ nec synodus nec circatam persolvunt. Ecclesiam de Busiaco, Ecclesiam de Sagiaco, Ecclesiam de Cormeliis, Ecclesiam de Caiz, Ecclesiam de Monte Gerulfi, Ecclesiam de Ablegjis, Ecclesiam de sancto Claro, Ecclesiam de Monte Genoldi. In Normania verò Ecclesiam de Mo. Renniaco, Ecclesiam de Liliaco, Ecclesiam de Floriaco, Ecclesiam de Bernevalle, Ecclesiam de sancto Martino, Ecclesiam de Fregellis. In episcopatu Carnoten, Ecclesiam de Tapis. Concessionem etiam patronatus Ecclesia beatæ Mariæ de Medonta cum omnibus possessionibus & appendiciis suis à carissimo in Christo filio nostro Philippo illustri Rege Francorum vobis provide factam, ita quod decedentibus Canonicis ejusdem Ecclesia, loco eorum vestrimonachi ordinentur, per quos gratius in eadem Ecclesia Deo servitum assidue impendatur. In episcopatu Aurelianen. Ecclesiam de Toriaco, Campum manerij, villare Vendroux, villam Mevi, Fiens, Luins. Ad hæc, compositionem illam quam bonæ memoriae Henr. quondam Sylvaneeten. Episcopus super diversis querelis quæ inter vos & nobilem virum Wiliel. de Melloto, tam in talliis, quam in corveis, & terris censualibus, & quibusdam aliis vertebantur, statuit observandam. Concessionem vobis & per vos monasterio vestro factam à bonæ memoriae Guidone quondam Senonen. Archiepiscopo & ejus antecessoribus de Ecclesia de Bella, de sancto Lupo, de Iosanvilla, de Ver. de Firiaco, de Grandipure, de sancto Audoeno. Præsentationem etiam Presbyterorum in eisdem Ecclesiis. Concessionem similiter vobis factam à bonæ memoriae Rog. quondam Cameracen. Episcopo & ejus antecessoribus Gualcherio, Odone, Nicolao, de Ecclesia de Forest, Altari de Solemio, Altari de Vernuilo, cum decimis & omnibus appendiciis eorum. Portionem cuiusdam decimæ de Rw. Item compositionem quam jamdictus Sylvaneeten. Episcopus super controversia quæ inter vos & Albertum de Monte-Omorio de quadam viatura